

**AWIG-AWIG
DESA ADAT TERUNA**



**DESA BLAHBATUH
KECAMATAN BLAHBATUH
KABUPATEN GIANYAR**

PITEGES PRALAMBANG DESA ADAT SAWIJI

1. Swastika mapiteges ngamanggehang Agama Hindu.
2. Surya mapiteges lanang.
3. Candra mapiteges wadon,
4. Lintang Tranggana mapiteges kdi utawi banci.
Lanang wadon lan banci utawi kdi mapiteges daging Krama Desa.
Swastika, Surya Candra lan Lintang Tranggana pinaka sinar utawi wahanan Ida Sang Hyang Widhi sajeroning pakraman.
5. Watu item penjuru tiga bulat mapiteges Trisakti kahuripan.
6. Pari lan kapas mapiteges Kerata raharja.
7. Genitri utawi rante mapiteges paiketan pakulawargan sajeroning pakraman.
8. Bucu lima mapiteges wewangkon.
9. Sesanti TARUNA BARA BATU mapiteges :
 - a. Taruna mapiteges wadwa lan prajurit.
 - b. Bara mapiteges kabeh utawi makweh,
 - c. Batu mapiteges sila, sila mapiteges genah utawi wawengkon.

PIDAGING
MAKA BANTANG AWIG-AWIG DESA ADAT TERUNA

	Widang
MURDHA CITTA.....	1
SARGA I ARAN LAN WAWIDANGAN DESA	1
SARGA II PATITIS LAN PAMIKUKUH	2
SARGA III SUKERTA TATA PAKRAMAN.....	3
Palet 1 Indik Krama.....	3
Palet 2 Indik Dulun / Prajuru Desa.....	6
Palet 3 Indik Kulkul	8
Palet 4 Indik Paruman	9
Palet 5 Indik Druwen Desa.....	11
Palet 6 Sukerta Pamitegep.....	12
Kaping 1 Karang, Tegal lan carik.....	12
Kaping 2 Papayonan.....	13
Kaping 3 Wewangunan	14
Kaping 4 Wewalungan	15
Kaping 5 Bhaya	16
Kaping 6 Panyanggran Banjar.....	16
SARGA IV SUKERTA TATA AGAMA	17
Palet 1 Indik Dewa Yadnya.....	17
Palet 2 Indik Rsi Yadnya.....	20
Palet 3 Indik Pitra Yadnya	21
Palet 4 Indik Manusa Yadnya	25
Palet 5 Indik Bhuta Yadnya	26
SARGA V SUKERTA TATA PAWONGAN	28
Palet 1 Indik Pawiwahan	28
Palet 2 Indik Nyapihan	30
Palet 3 Indik Sentana.....	32
Palet 4 Indik Warisan	33
SARGA VI WICARA LAN PAMIDANDA.....	35
Palet 1 Indik Wicara	35
Palet 2 Indik Pamidanda.....	36
SARGA VII NGUWAH NGUWUHIN AWIG-AWIG	37
SARGA VIII PAMUPUT.....	37

MURDHA CITTA

OM SWASTYASTU, OM AWIGNAMASTU WJMAH SIDHAM OM.

OM ANO BHADRAH KRAWO JANTU WISTAH.

Putusing Sabha Krama Desa Adat Teruna, Desa Blahbatuh Kecamatan Blahbatuh Kabupaten Daerah Tingkat II Gianyar, gumawe Awig-awig Desa pakraman, jah tas mat wastu kasidhan prayojanan mami kabeh, prasama anghidep mwah amagehaken kadi linging Awig-awig iki.

Om sidhi rastu tatastu ya nama swaya,

Om santhi, santhi, santhi Om.

SARGA I

ARAN LAN WAWIDANGAN DESA

Pawos 1

- 1) Desa Adat puniki mawasta Desa Adat Teruna.
- 2) Jebar kakuwub wawidanganya mawates nyatur:
 - a. Sisi Purwa ring Banjar Pokas.
 - b. Sisi Daksina ring Banjar Laud.
 - c. Sisi Pascima ring Lwah Petanu.
 - d. Sisi Utara ring Banjar Antugan.
- 3) Desa Adat puniki kawangun antuk karang ayahan Desa lan karangguna kaya.
- 4) Antuk paruman Desa utawi paruoan Banjar, wawidangan, palemahan lan pawongan kepah dados kalih Tempek luwire :
 - a. Tempek pura Dalem Maya.
 - b. Tempek pura Dalem Agung.
- 5) Wates puniki nenten marupa wates sane teges pisan riantukan genah pawongan kramane wenten taler sane magenah ring wewidangan banjar tiyosan sajeroning Desa, Blahbatuh.

Pawos 2.

- 1) Manut Tri lingganing Desa, kakuwub wawidangan pinara tiga luwire:
 - a. Utama mandala, makadi linggih Kahyangan Desa.
 - b. Madya mandala, makadi papupulan karang paumahan lan telajakan Desa.
 - c. Nista mandala, makadi Setra kalih palemahan.
- 2) Wates palemahan Tempekan patut :
 - a. Kamanggehang antuk paruman.
 - b. Wenang kauwah manut pararem.

Pawos 3

- 1) Tempekan wenang maduwe pararem maka pamikukuhnya, tur kalingga tanganin olih Kelihan Tempekan maka pamikukuh dumugi sida lumaksana.
- 2) Pararem Tempekan tan dados lempas ring Awig-awig miwah pararemDesa Adat.
- 3) Awig-awig, pararem niwah paswaran Desa patut kajejerang.
- 4) Desa Adat utawi Banjar patut maduwe piranti-piranti.

SARGA II

PATITIS LAN PAMIKUKUH

Pawos 4

Desa Adat Teruna ngamanggehang panikukuh minakadi :

- a. Pancasila
- b. Undang-Undang Dasar 1945 pamekasnya pasal 18.
- c. Peraturan Daerah Propinsi Daerah Tingkat I Bali Nomor 06 Tahun1986 .
- d. Tri Hita Karana manut sada caraAgama Hindu.

Pawos 5

Patitis Desa Adat Teruna :

- a. Makukuhin miwah ngrajegang Sang Hyang Agana –
- b. Nginggilang tata Prawertine maagana.
- c. Ngrajegang kasukertan Desa Adat saha pawongannya sami sakala kalawan niskala.

SARGA III
SUKERTA TATA PAKRAMAN

Palet 1

Indik Krama

Pawos 6

- 1) Sane kabawos Krama Desa Adat inggih punika krama sane ma Agama Hindu ngalinggihin karang ayahan desa, karang guna kaya netep wiadin nadunungan sajroning palemahan Desa Adat Teruna manut pararem.
- 2) Sajaba sakadi kabawos ring ajeng kasinanggeh tamyu.

Pawos 7

Krama Desa utawi Krana Banjar wenten tigang soroh luwire :

- a. Krama ngarep, inggih punika krama sane ngamong karang utawi nenten ngamong karang sakewanten sanpun mawiwaha tur sanpun katedunang makrana Banjar ngarep kasaksining olih Prajuru Banjar.
- b. Krama balu, inggih punika krama ngarep salah sinunggil lanange utawi istrine lampus miwah sangkaning nyapihan.
- c. Krama tapukan, inggih punika krama sane kantun alit durung antes ngayah santukan katinggalin olih aji lan biyangnya.

Pawos 8

Kawit dados Krama Desa Utawi Krama Banjar wenten tigang soroh luwire:

- a. Mawiwit saking magenah ring karang ayahan Desa utawi karang guna kaya.
- b. Mawiwit jumenek mapaumahan utawi ngarereh pangupa jiwa sajroning palemahan Desa Adat Teruna, tur risampune polih : pawanengan manut pararem.
- c. Mawiwit saking pawiwahan pratisentana sajroning Desa Adat Teruna risampun maka cihna pawidhi widanan.

Pawos 9

Panamaya tedun karma Desa utawi makrama Banjar :

- a. Malaparan antuk pawiwahan ngawit rahina Buda Umanis nemoning sang kepan Banjar sane pinih riyin, risampun sang katedunang wus maupacara pawiwahan tur maupasaksi sakala niskala.
- b. Mawiwit ngalinggih karang ayahan desa.
- c. Mawiwit jumenek mapaumahan utawi ngarereh pangupa jiwa, tur risampun polih pawanengan 6 sasih.
- d. Mawiwit patilerrahayu saking warga Desa tiyosan risampun polih atur supeksa ring Prajuru Desa Adat Teruna, maka srana ilikita kesah pastika, nawur panopog manut pararem.

Pawos 10

Sahaning Krama Desa utawi Krama Banjar keni ayah-ayahan sekadi ringsor :

- a. Krana ngarep keni ayah ngarep.
- b. Krama balu keni ayah balu.
- c. Krana tapukan keni ayah tapukan, manut sengker.

Pawos 11

Tategenan Krana Desa Adat utawi Krana Banjar sekadi ring sor :

- a. Krana ngarep, keni papeson miwah ayah sawungkul.
- b. Krama balu, keni papeson sawungkul, ayah manut pawonganya mapiteges napike balu inucap.
- c. Krama tapukan, keni papeson sawungkul, ayah katapuk ngantos mayusa 16 warsa. Yan sampun mayusa 17 warsa utawi sampun mawiwaha tan kantun katapuk, patut keni ayahan.
- d. Yan wenten krama tapukan kantun masekolah durung mawiwaha, tan keni tategenan saha malarapan antuk ilikita nyabran warsa saking sekolahnyane, kewannten keni padagingan.
- e. Prade rikalaning ngayah wenten sinalih tunggil krana matilar tan pasadok sadereng puput karya, patut krana inucap keni pamidanda manut pararon, tanjek laler utawi tilar tarung kawastanin.

Pawos 12

Swadarmaning Krama tiyosan ring ayah-ayahan luwire :

- a. Satinut ring sadaging Awig-awig, pararem lan paswara Desa
- b. Tan maren ngutsahayang mangda Desane prasida nyujur manut patitissekadi sane kaucap pawos 5 ring ajeng.

Pawos 13

Swadarmaning tamu :

- a. Satinut ring sadaging Awig-awig Desane.
- b. Tan tungkas ring sapanargin kertin Desane.

Pawos 14

Patyas utawi olih-olihan Krama Desa utawi Krama Banjarluwire :

- a. Polih pasayuban prajuru, ngamanggehang patitis tur kabawosin saha katiwakang pamutus sahananing wicaranya.
- b. Nyarengin paruman Desa utawi paruman Banjar, saha wenang mustika yang pamutus.

Pawos 15

Karma Desa Utawi Krama Banjar kadadosang sakadi ring sor :

- a. Mapuwangkid riantukan kantun sungkan, matepetin, mayadnya, kaluwasan manut pararem.
- b. Mopogin ayah utawi mlagi antuk artha brana riantukan magenah doh utawi ring dura Desa manut pararem.
- c. Nyada utawi mademang ayah risampun mayusa 70 warsa riantukan durung wenten panyeledihi, tur tan dados nyuksukin.
- d. Sang sane nyada sajeroning 3 warsa patut wenten panyeledihi.
- e. Nyuksukin ayah sane kadadosang risampun mayusa 17 warsa utawi mrasidayang nganutin krama.

Pawos 16

Wusan dados Krama Desa utawi Krama Banjar luwire :

- a. Sangkaning magingsir genah saking wawidangan Desa Adat Teruna kadulurin nunas pailikitan ring Prajuru Desa Adat Teruna.
- b. Sangkaning kanorayang olih paruman Desane duwaning :
 1. Tan prasida ngehehin solah maprawerti, satata lempas ring Awig-awig, Pararemlan Paswara.
 2. Katiwakin pamidanda olih Prajuru, panidanda inucap katur ring Guru Wisesa.
- c. Sang wusan :
 1. Tan polih pah-pahan druwen Desa utawi Banjar.
 2. Ngaturang karang ayahan Desa yan sang wusan ngenahin karang ayahan Desa .
 3. Prade riwekas sang wusan matulak malih ngranjing makrama, yan sangkaning rahayu kadadosang keni pamanduk utawi panopog manut pararen.

Palet 2

Indik Prajuru / Dulun Desa

Pawos 17

1. Desa Adat Teruna kaenter olih Bendesa Adat.
2. Banjar Teruna kaenter olih Kelihan Banjar.
3. Tempekan kaenter olih Kelihan Tempekan.
4. Bendesa, Klihan Banjar lan Prajuru sane tiyosan patut :
 - a. Mawiwit salting Krama ngarep.
 - b. Bendesa, Kelihan lan Prajuru kaadegang malarapan antuk kacatri olih Krama ring paruman nyabran 5 warsa, sajawaning wenten parindikan tiyos, tur dados kacatri malih.
 - c. Maduluran madewa saksi pawintenan ring pura Desa.
 - d. Lan sane tiyosan manut pararem.
 - e. Sang kacatri dados Prajuru, yan tan ngiringang keni pamidanda manut pararem.

Pawos 18

1. Bendesa Adat lan Kelihan Banjar kasangra olih :
 - a. Penyarikan pinaka juru ilikita.
 - b. Patengen pinaka juru pangamong druwen Desa.

- c. Petajuh pinaka tangan sukuning Bendesa lan Kelihan Banjar.
 - d. Kelihan Tempekan pinaka wakil Bendesa lan Kelihan Banjar ring sowang-sowang Tempekan.
 - e. Kasinoman pinaka juru arah, kaadegang nyabran ngasasih.
2. Wawidangan ngenterang madudonanmanut wibuh kancit karya miwah gagambelan.
 3. Sajroning ngenterang kasukertaan niskala, Bendesa mingsinggihang para Sulinggih lan Pamangku Kahyangan Desa.

Pawos 19

- 1) Swadarmaning Bendesa Adat lan Kelihan Banjar luwire :
 - a. Ngenterang pamargin sadaging Awig-awig, Pararem lan Pasuwara.
 - b. Nuntun saha ngenterang Krama Desa ngupadi manut patitis.
 - c. Nuntun saha nyaksinin tata cara miwah sangaskaraning kahuripan sane mabuat, sane ngilitang sulur pakulawangan.
 - d. Maka Dutta Desa matemuang bawos ring sapa sira ugi.
 - e. Mawosin kalih niwakang pamutus marep ring wicara wargaDesane.
- 2) Prade Prajuru aswadarma utawi nilar sasana keni pamidanda nikel ring kaiwangan krama tiyosan manut dudonan, miwah dados kawusang manut pararem.

Pawos 20

Patiyas utawi olih-olihan Prajuru Desa utawi Banjar luwire :

- a. Luput papeson nanut pararem.
- b. Olih - olih tiyosan nanut pararem.

Pawos 21

- 1) Prajuru Desa utawi Prajuru Banjar kagentosin riantukan :
 - a. Kalayusekaran utawi seda.
 - b. Pinunas ngraga.
 - c. Kanoroyang olih Krana Desa utawi Banjar, dwaning nilar sesana.
- 2) Ngentosin utawi nganoroyang Prajuru, mangda sajeroning paruman tur kararemin olih Krama Desa utawi Krama Banjar.

Palet 3

Indik Kukul

Pawos 22

- 1) Kukul ring Desa Adat Teruna luwire :
 - a. Kukul Desa ring Kahyangan Desa utawi Pura Desa.
 - b. Kukul Banjar ring Bale Banjar.
 - c. Kukul Sekaa-sekaa.
- 2) Tabuh tatepakan kukul Desa utawi kukul Banjar kapastikayang masewosan manut wiguna :
 - a. Tengeran wali ring pura, ngarempuang utawi nguntit ngawit puja astawan sira Pamangku utawi sang Sulinggih.
 - b. Tengeran tedun makarya, parum miwah ngayah, atuludan banban.
 - c. Tengeran pawiwahan, tigang klentungan.
 - d. Tengeran kalayusekaran :
 1. Kantun alit utawi rare : Pakeling kalih tuludan ban-ban, mamargi mendem nalih atuludan banban.
 2. Sampun anom kantos wrddha : Pakeling tedun makarya atuludan banban. Masucian utawi mabresih atuludan ban-ban, mamargi mendem malih atuludan banban.
 - e. Tengeran Bhaya luwire :
 1. Kabhaya pati makadi ngamuk, kapet patinya, kabaak, kakaninin : tigang tuludan bulus.
 2. Artha Bhaya utawi kamalingan : kalih tuludan bulus.
 3. Dura cara ring Aguma (ngamaling barang sane kasinanggeh Suci) : kalih tuludan bulus.
 4. Katunuan utawi puwun : petang tuludan bulus.
 5. Er Bhaya makadi blabar utawi anyud : atuludan bulus.
 - f. Lindu, Bulan kapangan, Surya gra : tabuh lelabatan.
 - g. Ngawangdeyang karya : tabuh tiga ngempang ping tiga.
 - h. Ngembasang putra : limang kalentungan.

Pawos 23

- 1) Kukul Desa utawi kukul Banjar tan wenang katepak yan tan sangkaning pituduh prajuru, sajawaning tengeran Bhaya manut pawos 22 angka 2, aksara e, kadi kaucap ring ajeng.

- 2) Sang nepak sangkaning tan kapituduhin olih sang prajuru, patut digelis atur supeksa maka buatan panepaknya, yah tan asapunika patut sang murug kadanda manut pararem.
- 3) Samaliha yan nepak tan manut wiguna, taler kadanda manut pararem.
- 4) Kukul Banjar patut nyarengin katepak, prade wenten sinalihtunggil nengerang Bhaya sawawengkoning wawidangan Desa Blahbatuh

Pawos 24

- 1) Tengeran kukul Bhaya kadi ring ajeng patut katedunin olih sahanan ayahan Krama Banjar, saha gagawan manut rupan Bhayane.
- 2) Tengeran kukul pakaryan utawi parum patut katedunin olih ayahan manut daging arahan utawi pasobiyahan tur mabusana adat madya.
- 3) Tengeran kukul kalayusekaran utawi kalampusan patut katedunin olih ayahan lan gegawan manut wiguna saha mabusana adat madya.
- 4) Kukul sekaa-sekaa tan wenang nyawerin sukat miwah tengeran kukul Desa utawi kukul Banjar, prade ramurug keni pamidanda manut pararem.

Palet 4

Indik Paruman

Pawos 25

- 1) Paruman ring Desa Adat Teruna luwire :
 - a. Paruman Desa kamiletin olih Krama Desa, Kawentenang manut wiguna.
 - b. Paruman Banjar utawi pasangkepan kamiletin olih Krama Banjar, kawentanang nyabran ngasasih nemoning rahina Buda Umanis.
 - c. Paruman prajuru kaniletin olih prajuru Desa utawiBanjarsami kawentenang manut wiguna.
 - d. Paruman utawi sangkepan Sekaa-sekaa, kawentenang manut tatujon suwang-suwang, saha kadulurin pasadok riyin ring Prajuru Desa utawi Banjar mangda prasida tan lempas manut patitis ring ajeng.
- 2) Tiyosan ring panamaya pastika,paruman Desa raiwah paruman prajuru kadi ring ajeng taler kawentenang paruman napkala utawipadgatakala manut kawigunanya.

- 3) Sahanan paruman naduluran sakadi ring sor :
 - a. Prasida lumaksana, risampun katedunin olih sang patut ngamiletin langkungan ring atenga, maduluran suaran kulkul saha mabusana madya tur tan dados makta gagawan sakaluwire.
 - b. Masrana janggi, pinaka cihna pangawit kamargiang ngonekang sep-sepan saha riwusnya nawur dadosan
 - c. Tan naren kamanggala antuk ngarcana ring ida Bhagawan Panyarikan maka srana Widhi widana cane, kamargiang sadurung paruman utawi sangkepan kakawitin.
 - d. Tan kalugra ngawetwang suwara gora utawi biyota, prade wenten mamurug keni pamidanda beya pacamil manut pararem.
 - e. Pamutus paruman kautsahayang malarapan gilik saguluk, prade tan prasida swarane makehan sane kamanggehang pamutus.
- 4) Rikala kasinoman mapangarah, kacunduk pakubon sang kaarah suwung patut ikasinonan nyawenin lawang sang karawuhin, mapiteges karma inucap sampun polihdedauhan, raris sapangrawuh sang madruwe pakubon patu nyedekang ring pangapit pakaranganya maritatas parindikan dedauhane sane katiwakang.

Pawos 26

- 1) Sajeroning paruman Desa utawi paruman Banjar, Bendesa miwah Kelihan Banjar patut nyobiyahang sapamargin ngenterang Desa utawi Banjar pamekas ngatinin indik:
 - a. Munjuk lungsuring pakraman, makadi ayah-ayahan lan sulur artha brana druwen Desa utawi Banjar.
 - b. Rarincikan Prajuru nganinin usaha kapungkur.
 - c. Sahanan wicara lan pamutusnya.
- 2) Sahanan pasobiyah ring ajeng, katitenin saha katiwakang pamutus antuk paruman.
- 3) Pamutus parunan Desa utawi paruman Banjar, kasinanggeh pararem maka pamitegep Awig-awig.

Pawos 27

- 1) Paruman Prajuru patut kamiletin olih sahanankaenterang olih Bendesa Adat.
- 2) Paruman Prajuru kawenangang wantah ngarincikang tata upayangamargiang usaha miwah pangerencana sakaiuwire :
 - a. Pamutus sahanan rarincikan bilih-bilih rencana sane pacang niwakin tategenan ring krama tan patut kalaksanayang sadereng kapikukuh utawi kasungkemin olih paruman Desa utawi paruman Banjar.
 - b. Pamutus paruman Prajuru sane mawiwit pituduh sang ngawarat utawi ngonekang pecak Pararem I Krama, sinanggeh Pasuwaran Desa Adat Teruna.

Palet 5

Indik Druwen Desa

Pawos 28

Padruwen Desa Adat Teruna kadi ring sor :

- a. Kahyangan Desa luwire :
 1. Kahyangan Tiga makadi pura Puseh, Pura Desa lan Bale Agung, miwah Pura Dalem.
 2. Pura Dalen wenten kalih ;
 - a. Pura Dalen Maya kaamong olih Tempek Pura Dalem Maya.
 - b. Pura Dalem Agung kaamong olih Tempek Pura Baler Dalem Agung,
- b. Tanah palaba :
 1. Palaba Pura Dalem Maya :
 2. Palaba Pura Dalem Agung : Carik malinggah 1,065 Ha.
Tegal malinggah 1,065 Ha,
- c. Karang ayahan Desa.
- d. Setra tigang palemahan luwire :
 1. Setra Maya, kawigunayang olih tempek Pura Dalem Maya.
 2. Setra Agung, kawigunayang olih Tempek Pura Dalem Agung,
 3. Setra Bebajangan, kawigunayang olih Tenpek Pura Dalem Agung,
- e. Piranti-piranti Desa utawi Banjar luwire :
 1. Wantilan Desa Adat ring jaba pura Dalem Maya.
 2. Bale Banjar.
 3. Lelanguan, makadi tetabuhan luwire : Gong abarung druwe Pura Dalem Maya, Prawalen lan sane tiyosan.
 4. Bale Kulkul.
 5. Usaha Desa.

Pawos 29

- 1) Prajuru wenang ngetangang pamupon laba Pura lan druwen Desautawi druwen Banjar.
- 2) Pikolih druwen Desa utawi druwen Banjar lan pamuponya kanggenprabiya pangaci miwah prabiya pangayum ring pura miwah Desa utawi Banjar.
- 3) Nyabran paruman Desa utawi Banjar, Prajuru Pangarnong druwenDesa nguningayang parindikan munjuk lungsuring padruwen ring ikrama antuk ilikita pastika.
- 4) Sakaluwiring padruwen Desa utawi padruwen Banjar patut wenten ilikitanya.

Pawos 30

- 1) Tan kalugra ngadol, ngadeang, makidihang sakancan padruwen Desa utawi Banjar sawawaning kawigunayang manut patitis,lan kararemin olih Krama Desa utawi Krana Banjar sami.
- 2) Sang ngamong karang ayahan Desa tan wenang ngadol santukan karang inucap kasinanggeh tatak ayahan ring kahyangan Desa.
- 3) Tanah tatak ayahan miwah pawongan ring karang ayahan Desa inucap kaetang olih krama sane ngrama.

Palet 6

Sukerta Pamitegep

Kaping 1

Karang,Tegal lan Carik

Pawos 31

- 1) Sang sane ngamong karang paumahan patut ngawatesin karangnya antuk tembok utawi pagehan, pinih utania sane narep kamargine mangda makanten asri.
- 2) Watese sisi kaler miwah sisi kangin, patut kakaryanang olih sang madruwe karang, santukan punika mawasta gagaleng hulu, Tegal lan carik patut magaleng kateben, tages ipun lebahe punika patut kapundukin utawi manut dresta olih sang madruwe tegal utawi carike punika. Wates punika dados antuk pagehan utawi cihna pal saking sang ngawiwenang.
- 3) Prade karasayang ngalikadin, yaning pada rasa panyandinge dados wates punika ngangge pinget kemawon kasaksinin olih prajuru.

- 4) Asapunika taler yaning wenten karang kabebeng utawi embet mangda kautsahayang wenten pamarginya utawi pangutangan toyanya rikala sabeh.

Pawos 32

- 1) Silih sinunggil Krama Desa Utawi Krama Banjar tan kalugra :
- a. Ngalalah linggih sinanggeh suci luwire : linggih Kahyangan, tegak Setra
 - b. Ngalalah karang paumahan, tegal, carik, mnrgi muang telabah.
 - c. Ngembahang toya wit wawalungan utawi jempeng kapakarangan krama tiyos, miwah ring genah-genah palenahan druwen Desa.
 - d. Ngutang wangken wewalungan kapakarangan krama tiyos, kamargi katelabah miwah genah-genah palemahan druwen Desa.
- 2) Prade mamurug kecap ring ajeng angka 1 :
- a. Manut aksara a, sajawaning patut ngawaliang sane kalalah, kadanda gung artha miwah panyangaskara manut pararem
 - b. Manut aksara b, kadanda ngawaliang sane kalalah miwah gung artha manut pararem
 - c. Manut aksara c, patut nyampetin toya inucap, yan manurug keni pamidanda manut pararem.
 - d. Manut aksara d, kapatutang nnnen wangke inucap, yan manurug keni pamidanda manut pararem.

Kaping 2

Pepayonan

Pawos 33

- 1) Ngawit nandur tanem tuwuh utawi pepayonan patut adepa agung (2,25 m) ngajerowang saking wates.
- 2) Tan dados wit taru :
- a. Mentik sajeroning wates,
 - b. Ngalintangin wates, bilih-bilih mawastu mayanin panyandinge ,
- 3) Prade wenten kadi kaucap ring ajeng manut angka 2, aksara a, patut kawara antuk panyandingnya tur kasadokang ring prajuru mangda mituduhin sang nruwenang wit taru, ngarebah taru inucap. Yaning sampun jantos ping tiga nyadokang taler tan karebah, patut sang nyadokang ngarebah kasaksinin olih prajuru. Sisan prabiya

ngarebah, taru inucap pinara tiga, asiki katur ring Krama Desa utawi Banjar, kakalih kabagi ring sang madruwe wates sareng ring sang ngarebah.

- 4) Prade wenten sinanggeh mayanin manut angka 2, aksara b, sang kajerihan patut atur supeksa ring prajuru, tur risampun kaparitatas, prajuru mituduhin sang nruwenang wit taru punika munggul.
- 5) Yan wenten tanem tuwuh sane sinanggeh mayanin kapatutang karebah.
- 6) Prade wenten wewangunan jantos karubuhin, sane keni prabiya saha panyangaskara:
 - a. Sang nruwenang wit sinanggeh mayanin risampun polih kawara.
 - b. Sang nruwenang utawi nunggul taru inucap.
 - c. Sang keni prabiya, patut nanggung wewangunane sane karubuhin.
- 7) Yan wenten tanem tuwuh tumbuh salah wadi ring sajeroning pakarangan, patut pakarangan inucap kaupakara manut sastra Agama, lan ring Kahyangan Desa patut kaupakara antuk pangayah.

Kaping 3

Wewangunan

Pawos 34

- 1) Wewangunan patut :
 - a. Nganggen sukat Asta Bhumi miwah gagulak Asta Kosala Kosali, sanistanya manut ring patitis niskala.
 - b. Tan kalugra nyayubin pakarangan krama tiyosan, prade wentenmamurug kecaping ajeng risampun kasadokang ring prajuru keni pamidanda manut pararem.
- 2) Prade ngawangun ring telengin wates patut ngawentenang paiguman ring panyandingnya tur masadok ring prajuru Desa.
Prade mamurug, riwekas kawara antuk panyandingniya, patut wewangunan punika kagubar saha tan polih prabeya kapocolan. Sanistanya patut kekaryanin abangan.

Kaping 4
Wewalungan
Pawos 35

- 1) Sahanan warga Desa sane mamiara wewalungan, patut sayaga nitenin utawi negul mangda tan ngarusak karang utawi paabianan krama tiyosan bilih-bilih jantos ngranjing ngaletihin Kahyangan sajawaning rikala mapapada.
- 2) Prade wenten sakadi inucap ring ajeng patut kapalungguhang ring sang madruwe wewalungan inucap.
- 3) Yaning sampun jantos ping tiga kapalungguhang, ngalantur kasadokang ring prajuru, mangda katiwakin pamidanda sakadi ring sor :
 - a. Ngawaling wit sane karusak miwah prabiya kapocolan, manut pangelekika Prajuru.
 - b. Pamrayascita yaning wewalungan jantos ngaletihin Kahyangan utawi Pamerajan manut pararem.
 - c. Taler wewalungan inucap dados kataban manut tata cara :
 1. Sang polih naban patut mamiarawewalungan inucap sapatut ipun, prademamurug tan polih prabiya saking sang nruwenang wewalungan.
 2. Sang madruwe wewalungan patut nawur prabiya ring sang naban manut pangelokika Prajuru.
 - d. Yaning wenten wewalungan metu salah wadi ring sajeroning pakarangan, kapatutang ring pakarangan inucap kaupacara pamrayascita manut Sastra Agama lan ring Kahyangan Desa masapuh-sapuh.

Pawos 36

- 1) Tan kalugra ngangon ring :
 - a. Palemahan Kahyangan utawi ringpalemahan setra.
 - b. Paabianan krama tiyosan.
- 2) Prade wenten mamurug, keni pamidanda manut pararem utawi maduluran pamrayascita yan ngangon ring palemahan kahyangan.

Kaping 5

Bhaya

Pawos 37

- 1) Sapasiramanggihin kahanan Jiwa bhaya patut nepak kulkulmapitulung manut pawos 22, angka 2, aksara e ring ajeng tur sang maayanin kasukserahang ring Sang Ngawiwenang, miwah keni pamidanda sakala niskala utawi katiba jampi lan panyangaskaranya.
- 2) Asapunika taler sang manggihin kahanan artha bhaya, patut nepak kulkul mapitulung manut pawos 22, angka 2, aksara c utawi sang kapandangan atur supeksa ring Prajuru sane pacang nimbangin tur mutusang ring dusta inucap:
 - a. Sajwaning nunasang ring Sang Ngawarat, talor ngenanin pamidanda ngawaliang wit.
 - b. Pamidanda nikel prade maling lintang ring apisan
 - c. Maweweh panyangaskara manut ring pararem prade ngamaling barang kasinanggeh suci.
 - d. Prade wenten krama sane nguman-nguman ring prajuru utawi krama, kakaninin pamidanda manut pararem.

Pawos 38

- 1) Sang manggihin wenten keni bhaya utawi Er bhaya patut ngulkul mapitulung manut pawos 22, angka 2, aksara c, katedunin antuk sahanan ayahan, saha makta srana manut kahanan bhayane.
- 2) Sang dura cara ring Agama, kacihnan antuk tri pramana (bukti, saksi, ilikita) patut jadma inucap kadanda manut pararem.

Kaping 6

Panyanggran Banjar

Pawos 39

- 1) Rikala ngawangun Yadnya suka duka, dados nunas kakaryan Banjar upami sajeroning Pitra Yadnya, Manusa Yadnya, ngingsirang wewangunan sane tiyosan.
- 2) Panyanggran Ban jarkamargiang manut dresta miwah pararem.
- 3) Krama Banjar katurang pangu manut wibuh kancit upakaranya manut pararem.

SARGA IV
SUKERTA TATA AGAMA

Palet 1

Indik Dewa Yadnya

Pawos 40

- 1) Palinggih Panyiwian sawawidangan Desa Adat Teruna luwire :
 - a. Kahyangan Desa utawi Banjar manut pawos 28, angka 1.
 - b. Pura paibon, Pura padadian utawi Pepantian lan Pamerajan sowang-sowang.
- 2) Rahina piodalan ring sowang-sowang Kahyangan Desa utawi Banjar kadi ring sor :
 - a. Pura Dalem Maya, Pura Desa, Pura Puseh lan Bale Agungring rahina Buda Manis Wuku Julungwangi.
 - b. Pura Dalem Agung ring rahina Anggara Pon Wuku Menail.
 - c. Pura paibon, Pura padadian utawi Pepantian lan Pamerajan sowang-sowang karma, kasukserahang ring karma pengamong sowing-sowang.
- 3) Pangaci ring Pura inucap manut kecap sastra Agama saha kalaksanayang : nista, madya, utama manut kawentenan lan pararem.
- 4) Pangarempon sowing-sowang Pura manut dresta sakadi ring sor :
 - a. Pura Dalem Maya, Pura Puseh, Pure Desa lan Bale Agung karempon tur kaaci olih Tempek Pura Dalem Maya.
 - b. Pura Dalem Agung karempon tur kaaci olih Tempek Pura Dalem Agung.

Pawos 41

- 1) Ring sowang-sowang Pura patut kaadegang Pamangku.\
- 2) Ngadegang Pamangku manut dudonan luwire :
 - a. Ngawilangan saking turunan utawi ngawaris.
 - b. Nunas pawuwus Widhi utawi nyanjan.
 - c. Kacatri olih Krama Desa Adat utawi Banjar.
- 3) Tan wenang anggen pamangku luwire :
 - a. Cedaangga luwire : peceng, perot, cungh.
 - b. Kageringan : sakit ila, ayan, buduh.
 - c. Lan sane tiyosan manut sastra Agama.
- 4) Prabeya Kapamangkuan
 - a. Asdhiksa Widhi utawi pawintenan, kamedalin tur kalaksanayang olih sang ngadegang.

- b. Pamitra Yadnya patut kasungkemin olih Krama Desa Adat manut Pararem.
- 5) Pamangku patut ngamanggehang sesananing pamangku luwire :
- a. Tan wenang ajajuden.
 - b. Tan ngranjing ring umah wong banijakarma.
 - c. Tan wenang atayub ring tarub camara yudha.
 - d. Aja pati pikul – pikulan.
 - e. Tan ngranjing ring umahwong drati krama.
 - f. Tan parek ring naya dusta.
 - g. Makadang sastra utama.
 - h. Ambek dharma sadu.
 - i. Tan griganingwong akweh.
 - j. Asewaka dharma. .
 - k. Tan pati salab-sulub.
 - l. Tan amangan, miwah anginum sahanan ngawe mada.
 - m. Tan keneng cuntakaning wong len

Pawos 42

Swadarmaning Pamangku luwire :

- a. Nitenin utawi nuntun kasukertan Kahyangan.
- b. Ngenterang Upacara pujawali utawi piodalan ring Kahyangan Desa utawi ring sowang-sowang pakubon Krama.
- c. Ngenterang Yadnya Madya bilih-bilih utama kengin nuwur Sang Sulinggih pacang muputang pujawali utawi piodalan inucap lan sira Pamangku maka panyangga Sang Sulinggih.
- d. Prade salah sinunggil Pamangku kapialang utawi cuntaka, kengin nguntap Pamangku Kahyangan Desa tiyosan utawi nuwur Sang Sulinggih.
- e. Salah sinunggil yan wenten Krama ngipik-ngipik sapari polah Pamangku yan tan sujati asapunika, sang ngipik-ngipik wenang maprayascita Pamangku inucap.
- f. Samaliha yan pamangku sampun ngayah ring pura, kancit wenten kulawarganya kacuntakan sangkaning seda Pamangku inucap tan keneng cuntaka sakewanten pamangku tan budal salami piodalan.
- g. Pamangku keni cuntaka yaning wenten padem sajeroning pakarangnya miwah siwanya salami limang rahina.
- h. Para Sulinggih istri, Pamangku istri ritatkala nemoning cute utawi sebel ring raga tan wenang ngelarang Yadnya lan manjing ring Kahyangan..

Pawos 43

Patyas utawi olih-olihan Paraangku luwire :

- a. Sarin canang miwah olih-olihan pura manut pararem.
- b. Upon palaba pura wit ngaryanin manut pararem.
- c. Olih-olihan tiyosan manut pararem.
- d. Luput ayahan lan padagingan utawi luput manuk.
- e. Nyabran ngawarsa polih busana arangsukan

Pawos 44

Pamangku kagentosin riantukan :

- a. Seda
- b. Pinunas ngaraga manawi kageringan lan sapanunggilanya.
- c. Kawusang olih Krama Desa Adat sangkanin malaksana sane tan patut miwah mamurug sesananing Pamangku.

Pawos 45

Kasukertan Kahyangan kadi ring sor :

- a. Tan kalugra ngeranjing ka pura luwire :
 1. Sang katiben cuntaka utawi kasebelan.
 2. Jadma patita utawi panten.
 3. Makta sahanan barang sinanggeh ngaletihin.
 4. Sato Agung sajawaning rikala mapapada.
 5. Mabusana tan manut sakadi tata caraning ngranjing ka pura.
 6. Napi luwire sadereng polih uwak-uwakan saking Prajuru
- b. Pratingkahe tan wenang ring pura luwire :
 1. Masumpah utawi cor sajawaning pituduh prajuru.
 2. Mungguh tedun palinggih sajawaning pituduh prajuru.
 3. Makobetan, masesenengan, makolem dados asiki lanang wadon, mabacin, mawarih, nyangsang busana, menehin pusungan, macecepin rare, mawiyawahara.
- c. Prade mamurug kecaping pawos 45, angka 1 lan angka 2 kadi ring ajeng keni pamidanda manut pararem saha pamrascitayan. Kengin kapintonin prade

kasumbangasayan. Yan tan jati jadma inucap karawuhang koni pamidanda miwah pamrayascita sapatutnya ne manut pararem.

- d. Prade Kahyangan kahanan durmanggala minakadi bhaya Pamangku utawi sang manggihin, gelis-gelis nyadokang ring Prajuru salanturnya mangda gelis-gelis marumang Krama Desa Adat tur ngawentenang pamrayascita sapatutnyane.

Palet 2

Indik Rsi Yadnya

Pawos 46

- 1) Sane pacang madeg Pandita utawi Pinandita minakadi Balian Sonteng, Kubayan, Dalang sakaluwire sane jagi ngenterang yadnya, patut nguningayang utawi masadok ring Bendesa kalih Parisada Hindu Dharma Indonesia, sajawaning Pamangku wantah masadok ring Prajuru Desa, Pandita utawi Pinandita sane sampun wenten kamanggehang ring jagat kantun karajegang.
- 2) Prajuru patut ngawas, nitenin tur wenang ngalangin prade wenten kacihnan sasar kakecap manut drestane, tur sareng nyaksinin upakara saha nyobiyahang ring paruman Desa tegep rawuhin kawenangannya muput yadnya.
- 3) Krama Desa utawi Banjar patut ngaturang ayah sapawadeg utawi sapangalepas Sang Sulinggih riwekas, katuntun olih prajuru.

Pawos 47

- 1) Sang Sulinggih utawi sira Pamangku patut ngariyinin muputang yadnya ring wawidangan Desa Adat Teruna.
- 2) Krama Desa Adat sami, patut ngawas nitenin katuntun olih Prajuru mangda sahanan yadnyane sane kawentenang kaicen pamuput olih Sang Sulinggih utawi sira Pamangku. Dalang sakaluwire manut kawenanganya sowang-sowang.
- 3) Ngaturin sang muput punia manut wibuh kancit karyane.

Palet 3
Indik Pitra Yadnya
Pawos 48

Pamargin Pitra Yadnya madudonan sakadi ring sor :

- a. Pangupakaran sang kalayusekaran :
 1. Mendem utawi ngeseng maka cihna makingsan ring Ibu Pertiwi utawi makingsan ring Geni salami nuptupang prabeya.
 2. Atiwa-tiwa, inggih punika upacara palebon utawi pangabenan.
- b. Upacara-upakara pitra riwusang kapelebonang utawi kaabenang nyantos ngaroras.

Pawos 49

Swadharman lan tategenan prade wenten sinalih tunggil warga Desa Adat utawi Banjar kalayusekaran :

- a. Sang kaduhkitan patut :
 1. Nyadokang ring Prajuru tur nunas tatimbang ring kawentenanya.
 2. Ngaturang ring Krama Banjarnya prade kapendem utawi kapalebonang.
- b. Swadharrnaning Krama Banjar luwire :
 1. Prajuru maritatas pamargin sang kaduhkitan, napi jagi kapendem utawi kapelebonang.
 2. Nepak kulkul manut pawos 22, angka 2, aksara d ring ajeng.
- c. Panyanggran Banjar salanturnya :
 1. Sowang-sowang Banjar nedunin patus utawi darraa pawilet manut Pararem, asapunika taler prade kaabenang utawi kapelebonang.
 2. Krama Banjar lanang istri ngambil Kakaryan manut dresta miwah ngarombo rikala pangutangan, saha sowang-sowang mabusana adat madya.
 3. Pamargin layone utawi sawane inangda dabdad antar.
- d. Tan dados ngalelet layon utawi nyekeh sawa langkungan ring pitung rahina, sajawaning kapelebonang.
- e. Tan dados nginepang bambang utawi mendem rikala : Semut sadulur, Kala gotongan, Ingkel wong, Was panganten, Prawani, Purnama, Tilem, Wali ring Kahyangan lan rerahinan jagat.
- f. Tan dados ngupakara layon utawi sawa yan Ida Bhatara Kahyangankantun nyejer.
 1. Layon utawi sawan anak alit durung maketus patut pendem pramangkin tan nyantos padewasan.

2. Rikala piodalan utawi pujawali ring Kahyangan Desa utawi rerahinan jagat, kengin mendem, tan kengin nyuwarayang kulkul, mamargi wengi, wusan ngaturang piodalan saha manut pituduh Prajuru saha tan paupacara pramangkin.
- g. Ring setra kengin mapinget asiku bah bangun, maka cihna parab muwah panamaya kalampusan.
- h. Prade wenten wong dura desa kapendem utawi kapelebonang ring setra Desa Adat Teruna, keni pananjung batu manut pararem.
- i. Yan sira Pamangku lanang istri kalayuan tan kengin kapendem, patut kapelebonang.
- j. Tan dados mendem ring sajeroning karang paumahan lan tegal patut kapendem utawi kapelebonang ring setra.

Pawos 50

- 1) Prade wenten krania lampus saking salah pati utawi ulah pati, kengin kabakta budal tur kapreteka kadi patut, risampun kamanggala antuk upacara banten pangulapan lan panebusan ring genahnya seda.
- 2) Prade sang istri lampus ngadut manik, tan wenang pendem utawi geseng sadereng bobotnya embas.
- 3) Prade kahanan wong lampus ring pakarangan lan tegalan, patut san madruwe sawa mamrayascita genah inucap manut sastra Agama.

Pawos 51

- 1) Sane kasinanggeh cuntaka sakadi ring sor :
 - a. Cuntaka kalayusekaran
 - b. Cuntaka antuk ngraja sewala
 - c. Cuntaka antuk ngembasang putra
 - d. Cuntaka antuk karuron
 - e. Cuntaka antuk sungkan ila utawi buduh
 - f. Cuntaka antuk pawiwahan
 - g. Cuntaka antuk gamia gamana
 - h. Cuntaka antuk salah timpal
 - i. Cuntaka antuk mamitra ngalang
 - j. Cuntaka yaning wenten anak istri mobot, nenten kaupakarain antuk pabiyakawonan miwah pawidhi widanan.
 - k. Cuntaka yaning wenten anak istri ngawetuang putra sadurunge maupakara pabiyakawonan miwah pawidhi widanan.
 - l. Cuntaka antuk Sad Tatayi

- 2) Sengker cuntaka manut kawentenanya :
- a. Cuntaka kalayusekaran, cuntakanya manut dresta.
 - b. Cuntaka ngraja sewala, cuntakanya tigang rahina ngawit ngraja sewala, utawi salamaning ngraja sewala.
 - c. Cuntaka ngembasang putra cuntakanya, istrine asasih pitung rahina, ngawit saking putrane embas nyantos sampun kaupakarain makambuhan tur maprayascita manut sastra Agama lan lanange roras rahina ngawit saking putrane embas nyantos sampun maupakara ngalepasawon.
 - d. Cuntaka antuk karuron cuntakanya, istrine asasih pitung rahina maduluran matirta maprayascita ring ragane sane istri lan lanange tigang rahina maduluran matirta panglukatan ring ragane sane lanang.
 - e. Cuntaka antuk sungkan ila utawi buduh, cuntakanya salami kacihnan pinungkannyane.
 - f. Cuntaka antuk pawiwahan, cuntakanya nyantos sampun matirta pabiyakawonan.
 - g. Cuntaka antuk gamiya gamana cuntakanya nyantos sasampuue mapalasan utawi masapihan tur sampun kawentenang pamrayaccita raga miwah pamrayascita Desa Adat .
 - h. Cuntaka antuk salah timpal, kamargiang manut sastra Agama.
 - i. Cuntaka antuk mamitra ngalang, cuntakanya nyantos kawentenang upakara pabiyakawonan.
 - j. Cuntaka anak istri mobot tan wenten ngangkening, cuntakanya nyantos kawentenang upakara pabiyakawonan.
 - k. Cuntaka anak istri ngawetuang putra sadurunge maupakara pabiyakawonan, cuntakanya nyantos putrane sane embas wenten sane meras utawi peras kundulan.
 - l. Cuntaka Sad Tetayi, cuntakanya nyantos sampun mamaryascita raga tur nenten pisan dados ngamungganghang upacara padwijatian.

Pawos 52

- 1) Cuntaka kalayusekaran utawi kapademan :
- a. Kapendem cuntakanya, sebel Banjar tigang rahina utawi nyantos mapegat, lan kulawarganya :
 1. Sang ngarepin abulan pitung rahina.
 2. Kapatutan roras rahina.

3. Sameton pakuwuban utawi padadian pitung rahina.
 4. Mingsiki tigang rahina
 5. Mingkalih utawi mindon tigang rahina.
- b. Kapalebonang utawi kaabenang :
- Sang nyambut karya pitra yadnya,cuntakanya ngawit saking nyambut padewasan nyantos mapegat, kalanturang malih tigang rahina.
- 2) Sang katiben cuntaka luwire :
- a. Kalayusekaran utawi kalampusan :
 1. Sang katiben kalayusekaran utawi kalampusan.
 2. Kulawarganya.
 3. Banjar
 - b. Ngraja sewala sane kacuntakan sang sane ngrajasewala.
 - c. Ngembasang putra sane kacuntakan, kulawarganya sane ngembasang putra lanang muang wadon.
 - d. Karuron sane kacuntakan, kulawarganya lanang muang istri.
 - e. Sungkan ila utawi buduh sane kacuntakan ragane ngaraga.
 - f. Pawiwahan sane keni kacuntakan sang sane patut ngalaksanayang pawiwahan.
 - g. Gamia gamana sane keni kacuntakan, sane ngalaksanayang gamia gamana lan Desa Adat nyane.
 - h. Salah timpa sane kacuntaka sang sane ngalaksanayang salah timpal.
 - i. Mamitra ngalang sane keni kacuntakan sane ngalaksanayang mamitra ngalang.
 - j. Anak istri mobot tan maupacara pabiyakawonan sane keni kacuntakan, anak istri sane ngawetuang putra miwah putrannyane.
 - k. Ngawentenang putra sadurunge maupakara pabiyakawonan sane keni kacuntakan, sang sane maraga istri.
 - l. Sad Tatayi sane keni kacuntakan, sang sane ngalaksanayang Sad Tatayi.
- 3) Tan keneng cuntaka luwire :
- a. Sang Sulinggih lanang istri.
 - b. Pamangku lanang istri.

Pawos 53

- 1) Atiwa-tiwa utawi pangabenan ring Desa Adat Teruna kamargiang sakadi ring sor :
 - a. Sawa prateka, inggih punika mrateka sawa
 - b. Nyawa Rsi utawi Pranawa, inggih punika nenten mreteka sawa.
 - c. Nyuasta, santukan nenten ngagah utawi sawane tan kakeniang.

- 2) Pangabenan ring Desa Adat Teruna luwire :
 - a. Ngaben dadakan, antuk prabiya muah pangemong karya manut dresta lan Pararem, Banjar kakaninin Darma pawilet.
 - b. Ngaben masa, nyabran tigang warsa kasangga olih Krama Banjar manut dresta muah Pararem tur Krama Banjar mapatus.
 - c. Ngaben Nganca Padewan kawastanin ngaben nuka, nyabran ngawarsa Krama Banjar kaarsain pangarombo lan Darma pawilet manut Pararem.
- 3) Dudonan pengambilan karya upacara pengabenan ring Desa Adat Teruna ngawit saking ngawangun nyantos panyupitan utawi pangiriman.

Pawos 54

Pamargian patus ring Desa Adat Teruna sakadi ring sor :

- a. Rikala ngaben dadakan lan ngaben nuka, sowang-sowang Krama kené Darma pawilet nianut Pararem.
- b. Rikala ngaben masa, patus kamargiang manut Pararem
- c. Rikala kalampusan utawi kapademan Krama Banjar kené patus manut Pararem muah dresta, kaanter olih Krama Banjare istri.
- d. Pangingune ring Krama Banjar manut dresta, Tata Krama, Sila Krama, Sima Krama miwah Pararem.

Palet 4

Indik Manusa Yadnya

Pawos 55

- 1) Manusa yadnya inggih punika upacara upakara dharmaning manusa ngawit saking patemuan alaki rabi pawiwahan, saha patemoning karma petak kalawan kama bang sajroning gharba nyantos kalayusekaran riwekas.
- 2) Upacara ring ajeng madudonan sakadi ring sor :
 - a. Magedong-gedongan, duk pangerempinian ibiyang,
 - b. Duk sang kama reka medal/embas.
 - c. Kepus ode.
 - d. Roras rahina.
 - e. Tutug kambuhan utawi abulan pitung rahina.
 - f. Tigang sasihin utawi nelu bulanin.

- g. Pawetuan utawi otonan ngenem sasih.
 - h. Tutug kelih, ngraja sewala wadone, ngembakir.
 - i. Mapandes utawi matatah.
 - j. Mawiwaha.
 - k. Mawinten
- 3) Upakara-upakara inucap nista, madya, utama manut sastra Agama miwah catur dresta.

Palet 5

Indik Bhuta Yadnya

Pawos 56

- 1) Bhuta Yadnya inggih punika upakara-upakara pabiyakala ring pertiwi lan Kahyangan, sarwa prani, piranti saha upacara-upakara ring babhutan.
- 2) Upacara pabiyakala ring sarwa prani lan piranti luwire :
 - a. Ring sarwa tumuwuh, rikala Tumpek Pengatag nuju rahina Saniscara Keliwon Wuku Wariga.
 - b. Ring sarwa ingon-ingon utawi wewalungan, rikala TumpekKandang nuju rahina Saniscara Keliwon Wuku Uye.
 - c. Ring sarwa lelangipan utawi besi pusaka, rikala Tumpek Landep nuju rahina Saniscara Keliwon Wuku Landep.
 - d. Ring sarwa lelanguan utawi tetabuhan, rikala rahina Tumpek Kerulut nuju rahina Saniscara Keliwon Wuku Kerulut.
 - e. Ring sarwa Palinggihan utawi siandana, rikala rahina Tumpek Kuningan nuju rahina Saniscara Keliwon Wuku Kuningan.
 - f. Ring sarwa reringgitan, rikala Tumpek Wayang nuju rahina Saniscara Keliwon Wuku Wayang.
 - g. Upacara pakalan-kalan manusa manut wiguna, ketah kabawos Pabiakala.
- 3) Upacara pabiyakala ring pratiwi lan babhutan kawastanin macaru
- 4) Pacaruan inucap nista, madya, utama manut wiguna kadi ring sor :
 - a. Eka sata
 - b. Panca sata
 - c. Rsi Gana
 - d. Panca kelud,
 - e. Panca sanak,
 - f. Tawur Agung.
 - g. Palabuh gentuh.

- 5) Sajawaning sakadi ring ajeng taler kawentenang upacara :
 - a. Masaiban utawi Yadnya sesa, nyabran wusan maratengan.
 - b. Masapuh-sapuh, rikala pacang wali ring pura, taler rikala ngaturang piodalan ring Papantian muang pamerajansowang-sowang Krama.
 - c. Rikala karawuhan linuh, carunya manut sasih.
 - d. Karubuhan, bilih-bilih taru lan sakancan ipun sane rubuh utawi pungkut jantos neteh wewangunan Krama tiyos.
 - e. Ngingsirang pakarangan utawi tanah wit ring pakarangan sane sampun kadruwenang, saha sane sampun naenin maupakara.
 - f. Caru pasasihan karmargiang ngawit sasih kalmia, kanem, kapitu, kawulu nyantos kasanga.
 - g. Tiyosan ring punika pamarginya manut wiguna.

Pawos 57

- 1) Nyabran ngawarsa, rikala Tilem kasanga kawentenang Tawur Kasangamaka cihna pacang magpag rahina panyepian benjangne.
- 2) Pamargi sajroning Tawur Kasanga, kalanturang antuk pangarupukansakadi ring sor :
 - a. Ring panempatan Desa Adat Teruna kamargiang Bhuta Yadnya, bobot pawilanganya caru manca sata maulu bebek belang kalung.
 - b. Ring sowang-sowang puri utawi paumahan :
 1. Ring Pamerajan : Ring Kamulan munggah pejati tegap, saha pasucian lenga wangi burat wangi, lan ring natar Pamerajan segehan 108 tanding nasi sasah, maulam jajeron matah.
 2. Ring pamedal jaba puri utawi lawang : Nancebang sanggah cucuk saha yadnya : Peras daksina, tumpeng adanan, magantungan tipat kelanan, ulamnya olahan ayan berumbun, Ring sor : Segehan 9 warna maulam bawang jae, tetabuhan ipun, arak, berem, tuwak, yeh.
- 3) Brata Penyepian sane kamargiang ring Desa Adat Teruna :
 - a. Amati geni : tan kengin maapi-api sajawaning :
 1. Sang madruwe rare dereng tigang sasih, ring genah rare inucap.
 2. Sang matepetin, ring genah sang sungkan.
 3. Sang madruwe layon, ring genah layon utawi sawa inucap.
 - b. Amati Karya : tan kengin ngalaksanayang karya.
 - c. Amati lalungan utawi lampah : Kengin lunga liwat ring pakuwuban, sajawaning pacalang utawi pangawi.

- d. Amati lelangan : tan kengin maoneng-onengan, maswara gora, matatabuhan lan sapanunggilanya.
- 4) Pabratan inucap kamargiang saking semeng mijil Sang Hyang Surya jantos benjangne semeng, raris kasuwarayang kulkul, maka cihna ngembak geni.
 - 5) Sang mamurug kecaping pabratan inucap keni pamidanda manut pararem.
 - 6) Pacalang utawi pangawi kamarginin Olih Prajuru Desa utawi Prajuru Banjar.
 - 7) Tatas rahina nyepi utawi benjangne, maka cihna pangawit Isaka Warsa kawastanin ngembak geni mapiteges pangelukaran Yoga Semadi, patut sowang-sowang Krama Desa Adat sami pada ngawentenang dharma santhi, saha maprani.
 - 8) Sejaba pamargin utawi palaksanaan upacara Panyepian, wenten sane patut kalaksanayang ngenem sasih ritepengan Galungan, Kuningan lan Siwa Ratri ketah kabawos rerahinan jagat.

SARGA V

SUKERTA TATA PAWONGAN

Palet 1

Indik Pawiwahan

Pawos 58

- 1) Pawiwahan inggih punika, patemoning purusa lan pradana, malarapan panunggalan kayun suka lila kadulurin upasaksi sakala niskala.
- 2) Pamargin utawi palaksanaan pawiwahane sekadi ring sor :
 - a. Papadikan, kamanggala antuk pakrunayan riyin.
 - b. Ngarorod, marangkat riyin wawu kakerunayang.
 - c. Nyeburin utawi sentana nyeburin.
- 3) Pidabdab sang pacang mawiwaha patut :
 - a. Sampun manggeh deha taruna, prasida nganutin Undang-undang.
 - b. Sangkaning padalila utawi tan kapaksa.
 - c. Nganuting kecaping sastra Agama, utawi tan gamia gamana.
 - d. Prade pangambile tiyos agama kamanggala antuk sudiwadhani yin wawu kawentenang upacara manut sastra Agama.
- 4) Pamargin pawiwahane taler mangda nganutin Undang-Undang saking sang Ngawiwenang.
- 5) Sang mamurug kecaping ajeng manut tri pramana utawi kecaping sastra Agama, kadanda nanut Pararem,

Pawos 59

- 1) Pawiwahane sane kapatutang ring Desa Adat Teruna sakadi ring sor :
 - a. Sampun kamargiang pabiyakala, lis pitu utawi pasakapan kasaksinin sakala niskala olih Prajuru Desa Adat.
 - b. Prajuru mapakelingang utawi ngilikitayang pawiwahan.
 - c. Sampun matangeran suaran kulkul.
 - d. Pawiwahan inucap ring ajeng sampun kailikitayang ring sang Ngawiwenang.
- 2) Parabiane sane tan manut sakadi ring ajeng kasinanggeh tan patut utawi tan sah.

Tata caraning parabian patut sakadi ring sor :

- a. Sapasira ugi pacang ngawarangang pakulawargan patut masadok ring Prajuru salanturnya Prajuru maritatas manut tan manut pamargin pawiwahane.
- b. Pamargin papadikan manut dudonan :
 1. Pakerunayan jantos ping tiga saha malarapan :

Kapretama antuk canang pangrawos lan daksina.

Kaping kalih ngalanturan babawosane sane sampun kabawosang, antuk canang pangrawos.

Kaping tiga kabawos pamuput pepadikan, antuk canang pangrawos Prade tan ping tiga, manut paiguman pakulawargan.
 2. Risampun puput maris sang istri kaajak budal kapakubon sang lanang saha kalanturang antuk pabiyakala.
 3. Mangda puput tumus sakala niskala, raris kulawargan purusa makta pajatiring merajan utawi sanggah wadone maweweh ajengan balean.
- c. Prade ngerorod utawi ngarangkat patut sakadi ring sor :
 1. Reraman lanange ngawentenang pamiluku panyedek antuk dutta sakirangnya kalih diri.
 2. Pagenahan antene tan kengin ring pakubon sang lanang,sadereng masegeh agung.
- d. Sajeroning pakrunayan/pangalukuan patut sakadi ring sor :
 1. Kamanggala antuk geng pangampura marep ring reraman wadone.
 2. Kaigumang bawos idih kaidih utawi palegeyan arep ring pasuwakan sang ngidih, saha dewasa pakerabkambean riwekas.
 3. Kacihnayang indik kapurusa, utawi prade sentana rajeg karajegang, kapatutang ngidih anak lanang sane kabawos pawiwahan nyeburin ngamanggehang sentana nyeburin.
 4. Prade tan terima pajati utawi penyeken, pakerunayan, kamargiang jantos ping tiga tur pawiwahane ngalantur kamargiang.

- e. Pakerabkambean mapiteges upacara tinas apadang utawi puput mapikuren duwaning manut sakadi ring sor :
1. Sajeroning kabawos ambe kalaksanayang ring sekala niskala antuk sarana jajauman miwah widhi widana.
Jajauman pinaka ngambe utawi ngadungang kayun sowang-sowang pakulawargan wadone.
Widhi widanan pinaka pejati niskala nunas wadone ring pamerajan utawi sanggah.
 2. Sajeroning bawos kerab palaksana ring sakala :
Kasaksinin antuk Krama Banjar, duwaning kakerabang antuk tengeran suaran kulkul, Pamekas panyaksi Prajuru saha ngilikitayang.

Palet 2

Indik Nyapihan

Pawos 61

- 1) Pawiwahan kabawos wusan malarapan antuk palas parabian utawi kapademan.
- 2) Wusan mapikuren riantukan salah sinunggil lampus mapiteges balu
- 3) Palas marabian patut mangda sangkaning mawiwit wicara.
- 4) Sang ayat palas marabian patut atur supeksa pailikitaan riyin ring sang rumawos, wastu tinas apadang pamutus kabawos nyapihan, wawu Prajuru nyobyahang kawentenanya ring Desa.

Pawos 62

- 1) Tata caraning palas parabian nganutin kadi Undang-undang saking sang Ngawiwenang inggih punika :
 - a. Sinalih sinunggil tan prasida ngalaksanayang swadharmaning alaki rabi.
 - b. Matilar tan pasadok suwenya jantos kalih warsa.
 - c. Tan prasida adung malih.
- 2) Yan wicarane katumusang antuk wadone, makacihna :
 - a. Lanange drati krama.
 - b. Wandu
 - c. Tan nyanggamen saha ngupajiwain jantos kalih warsa.

- 3) Yan wicarane katumusang antuk lanange, maka cihna :
 - a. Istri paradara utawi nyasar laku.
 - b. Istri amandel sanggama.
 - c. Istri ceda angga.
- 4) Prade manut Tri Pramana sang mawicara inucap ring angka 2 miwah angka 3 :
 - a. Parabiane dados kapalasang.
 - b. Keni pamidanda manut Pararem.

Pawos 63

Tata caraning palas parabian sakadi ring sor :

- a. Polih pah-pahan pagunakayan.
- b. Pabekel tadtadan sowang-sowang kakuasa niri-niri.
- c. Warisan kakuasa antuk purusa.
- d. Ngaweruhin miwah ngupajiwa pratisentana manut swadharmaning guru rupaka.
- e. Kakaninin pamidanda masamsam beras kuning ring Bale Agung.

Pawos 64

Prade riwekas sang palas marabian kacihnan adung malih patut :

- a. Ngalaksanayang pawiwahan malih.
- b. Keni pamidanda manut Pararem.
- c. Prade palas ping kalih tan dados adung malih,

Pawos 65

- 1) Sang balu kabinayang dados :
 - a. Balu luh wit sentana utawi sentana rajeg, miwah balu luh boya sentana.
 - b. Balu muani kapurusa, miwah balu muani nyeburin utawi boya sentana.
- 2) Swadharmaning balu inucap patut :
 - a. Ngamanggehang pati brata, tan kengin ngamargiang paradara utawi drati krama.
 - b. Ngawasang waris pangunakaya, tan dados ngadol, ngadeang, makidihang sajawaning polih uwak-uwakan saking ipianak utawi kulawarga kapurusa, prade pianake kantun alit-alit.

- c. Dados ngidih sentana, prade wenten pidabdab sadurung sinalih tunggil lampus saha kauwakang olih kulawarga purusa pinih tampek.
- d. Kawenangang mawiwaha malih, prade sampun polih uwak-uwakan saking ipianak deha taruna utawi kulawarga kapurusa.
 - 1) Balu kaucap tan pageh sakadi ring sor :
 - a. Malaksana drati krama utawi paradara.
 - b. Matilar tan pasadok saking pakubon suwenya jantos nem sasih.
 - c. Lempas ring swadharruaning balu, tan prasida ngehehin solah maprawerti marep ring pituduh kulawarga kapurusa sane patut.
 - 2) Yaning maka cihna kadi angka 1 ring ajeng manut Tri Pramana kengin balu inucap tan polih upon waris miwah pagunakayan .
 - 3) Prade balu inucap pageh utawi tinut ring swadharmaning balu, katundung antuk kulawarga kapurusa, wenang balu inucap polih pah-pahan pagunakayan.

Palet 3

Indik Sentana

Pawos 6

- 1) Sentana wenten kalih soroh : sane kaucap pratisentana miwah sentana paperasan.
- 2) Pratisentana inggih punika sentana sane metu saking pawiwahane sane patut.
- 3) Prade pawiwahane tan patut, ngawetuang sentana, mangaa tan kawastanin babinjat utawi astra, patut kamanggala antuk panyangaskara paperasan.
- 4) Prade pawiwahane tan ngawetuang sentana, dados ngidih sentana, antuk upasaksi sakala niskala, sane kawastanin sentana paperasan.
- 5) Sentana rajeg inggih punika, pratisentana wadon utawi pradana, sane kamanggehang lanang utawi purusa, tur risarapun ngalaksanayang pawiwahan nyeburir.
- 6) Sang sane dados kaarsayang sentana rajeg inucap wiwit aligka 5, inggih punika :
 - a. Pratisentana wadon tunggal.
 - b. Sampun kamanggehang dados pratisentana lanang utawi purusa.
 - c. Kapawiwahan kaceburin, kautamayang sang sane ma Agama Hindu utawi sang sane ma Agama tiyosan, sane sampun ngalaksanayang sudhiwadani.
 - d. Sane manggehang sentana rajeg patut masadok ring Prajuru Banjar, tur Kelihan Banjar patut nyobiyahang ring Banjar saha ngaturang ring Prajuru Desa Adat, tur katumusang ring sang Ngawiwenang.

Pawos 68

- 1) Paperasane sane kapatutang ring Desa Adat Teruna, risampun makacihna sakadi ring sor :
 - a. Widhi widana pamerasan.
 - b. Kasaksinin antuk Prajuru Desa, sane makelingang saha polih ilikita saking sang Ngawiwenang.
 - c. Kasobiyahang ring wawidangan Desane.
- 2) Sane kapatutang peras angge sentana kadi ring sor :
 - a. Jadma sane ma Agama Hindu.
 - b. Kautamayang saking waris pancer kapurusa, prade tan wenton kengin saking wadon.
 - c. Papernahan nedunang saking sang meras.
 - d. Sinalih tunggil mawiwit saking kulawarga tunggal sanggah utawi Pamerajan, Paibon lan Dadia utawi ngambil anak tiyos sakewanten sane ma Agama Hindu.
- 3) Dados ngangkat sentana langkungan ring adiri, lanang-lanang, wadon-wadon, lanang wadon,prade lanang wadon tan dados kapawi-wahang.

Palet 4

Indik “Warisan”

Pawos 69

- 1) Warisan inggih punika, tetamian artha brana saha ayah-ayahan ngupadi sukerta sakala niskala saking kaluhurannya marep ring turunannya.
- 2) Kang sinanggeh warisan luwire :
 - a. Duwe tengah, makadi karang ayahan Desa, Kahyangan, Pusaka?
 - b. Pagunakayan,tatadan utawi jiwa dana.
 - c. Utang piutang.
- 3) Wawu dados kabawos warisan prade wenten :
 - a. Sang mapiturun utawi pawaris.
 - b. Keturunan utawi ahli waris.
 - c. Artha brana miwah tetegenan, ayah-ayahan maka cihna warisan.

Pawos 70

- 1) Ahli waris luwire :
 - a. Pratisentana purusa.
 - b. Pratisentana pradana utawi sentana rajeg.
 - c. Sentana, paperasan lanang utawi wadon.
- 2) Prade tan wenten sakadi wiwit angka (1) ring ajeng, sane sinanggeh ahli waris :
 - a. Turunan purusa pernah ngunggahang, rerana lanang, pekak salantur ipun rerama misan mindon.
 - b. Turunan purusa pernah kasamping makadi, misan, mindon, kaponakan dimisan, kaponakan dimindon.

Pawos 71

Swadharmaning ahli waris patut :

- a. Narima saha nguwasayang tatamian pah-pahan saking kaluhurannya, makadi ngarempon sanggah, Pura saha pengupakaranya, miwah nyeledihin ayah-ayahan sang mapiturun utawi pawaris.
- b. Ngabenang pawaris saha ngalanturang upacara-upacara Pitra.
- c. Nawurin utang-utang pawaris.

Pawos 72

Pangepahan waris manut sakadi ring sor :

- a. Risampun kalaksanayang upacara Pitra Yadnya lan utang-utang pawaris buntas katawur.
- b. Para ahli waris polih pah-pahan pada saking pagunakayan, sajawa ning karang ayahan Desa miwah duwe tengah kaamong antuk ahli waris kang sinanggeh Panyeledihi.
- c. Sinalih tunggil ahli waris kengin tan polih pah-pahan prade :
 1. Nilar Kawitan lan sasananing Agama Hindu.
 2. Sentana rajeg kesah mawiwaha, utawi nyentana nyeburin, sowang- sowang kabawos ninggal kadaton.
 3. Alpaka guru rupaka.
- d. Prade boya ahli waris, kengin muponin hasil kewanten manut du donan luwire :
 1. Sentana luh, salami dereng kesah mawiwaha utawi tan alpaka guru rupaka, prade lokika sanggraha madrebe pianak tan kaangkenin antuk wong tua rare

inucap, kengin ngawaris wantah pikolihutawi pagunakayan santana luh inucap mawon, makadi biyange.

2. Balu luh wiadin muani nyeburin, sowang-sowang boya sentana.
 3. Mulih doha utawi teruna riantukan ring pawiwahane pocak sampun kabawos ninggal kedaton.
- e. Pawaris dados maweweh bekel rikala maurip, pinaka jiwa daha tad-tadan utawi bekel maka cihna paweweh tetep ring ring pianak sane kesah mawiwaha.

Pawos 73

- 1) Prade sajroning pakulawangan, wenton ahli waris langkungan ring adiri patut :
 - a. Kawentenang paigum indik padum waris inucap.
 - b. Yan tan prasida, katunasang tatimbang ring Prajuru utawi Kerta Desa.
 - c. Prade taler tan cumpu ring panepas Kerta Desa. Kengin katumusang ring sang rumawos.
- 2) Prade wenton karang kaputungan, patut prajuru nibakang ring :
 - a. Sang sinanggeh ahli waris manut pawos 70, wit angka 1, miwah 2.
 - b. Sang dados anggen sentana manut pawos 67, angka 1,2,3,4 miwah 5.
 - c. Prade taler tan wenten cumpu ring panepas Kerta Desa dados katumusang ring sang Rumawos.
- 3) Prade karang ayahan Desa Jantos kapah utawi kasepih, patut sowang -sowang nedunin makrama Desa ngarep.

SARGA VI

WICARA LAN PAMIDANDA

Palet 1

Indik Wicara

Pawos 74

- 1) Sane wenang mawosin makadi mutusang wicara ring Desa, inggih punika Prajuru Desa, saantukan prajuru Desa kasinanggeh Kerta Desa.
- 2) Prade sang mawicara tan wenten cumpu ring pamutus Kerta Desa dados nunasang wicara inucap ring sang Rumawos.

Pawos 75

- 1) Sahanan wicara mawiwit kacorahan sakaluwire sinanggeh nungkasin daging Awig-Awig, Pararem lan pasuwara Desa, Prajuru patut digelis mawosin tan nyantos pasadok.
- 2) Sajaba wicara kadi ring ajeng, patut nyantos pasadok sang nunas bawos.
- 3) Panepase patut pastika nyantenang iwang patut malarapan Tripramana utawi ilikita, bukti lan saksi miwah tan maren nepek ring catur Dresta.

Palet 2

Indik Pamidanda

Pawos 76

- 1) Desa utawi Banjar wenang niwakang pamidanda ring warga Desautawi Banjar Sana sisip.
- 2) Paniwak inucap kalaksanayang olih Bendesa utawi Kelihan Banjar.
- 3) Bacakan pamidanda luwire :
 - a. Danda artha miwah panikel-nikelnya.
 - b. Panyangaskara utawi upacara-upakara.
 - c. Ayahan panukun kasisipan.
 - d. Kanereyang.
- 4) Pamidanda sane katiwakang patut masor singgih manut ring kasisipane.
- 5) Jinah utawi raja brana pamidanda, ngaranjing dados druwen Desa utawi Banjar.

Pawos 77

- 1) Rikala pawanengan ngamedalin jinah papeson, dadendan utawi dadosan risampune polih pawanengan saking prajuru, yaning celed,keni pamidanda nikel.
- 2) Risampune nikel tan dados katikelang malih.
- 3) Panikol dados katebus ngantos buntas mawaneng manut pararem.
- 4) Prade sang katikelang risampun polih pawanengan taler tan manut turmaning tan wenten usaha pacang nawur,mawastu sang kadanda nikel ngawak pasubaya sajeroning Awig-awig, wenang Krama Desa nganorayang sang kadanda nikel ring paruman Desa.

Pawos 78

- 1) Krama sane nguwak pasubaya sajeroning Awig-awig dados kanorayang.
- 2) Sang kanorayang dados makrama malih risampun :
 - a. Nawur utang-utangya kantos buntas.
 - b. Nunas geng rena pangampura ring Krama Desa riantukan nguwak pasubayane utawi parareme pecak.
 - c. Mrayascita panyapsap kaiwangane ring Desa.

SARGA VII
NGUWAH-NGUWUHIN AWIG-AWIG

Pawos 79

- 1) Nguwah-nguwuhin Awig-awig Desa Adat Teruna kalaksanayang antuk paruman Desa.
- 2) Awig-awig puniki kamargiang ngawit kararemin utawi ngawit kaingkupin.

Pawos 80

- 1) Sakaluwiring sane wenten saderengnya patut kaanutang ring sadaging Awig-awig puniki.
- 2) Sakaluwiring sane durung kabawos sajeroning Awig-awig puniki patut kalaksanayang manut tata cara sane sampun mamargi kadulurin antuk pararem-pararem.

SARGA VIII

PAMUPUT

Pawos 81

- 1) Awig-awig puniki kararemin antukrahina : Buda Umanis, Wara Tambir, Pangelong ping : 3/4, Sasih Kapat, Isaka Warsa : 1915, Rah : 7, Tenggek : 12, utawi Tanggal Masehi : 03 Nopember 1993, ring Bale Desa Adat Teruna.
- 2) Awig-awig puniki kalingga tanganin olih Prajuru Desa Adat Teruna, Kepala Desa Blahbatuh miwah Camat Blahbatuh.
- 3) Luwir sang ngalingga tanganin :
 - a. Kapratama Prajuru Desa Adat Teruna :



2. Patejun

[Handwritten signature]

(I Ketut Weda)

3. Penyarikan.

[Handwritten signature]

(I Ketut Kartu)

4. Patengen

[Handwritten signature]

(I Weyan Rice)

b. Kaping kalih pinaka saksi

1. Kepala Dusun/Banjar Teruna

[Handwritten signature]

(I Made Meregog)



Blahbatuh

2. Blahbatuh.



[Handwritten signature]

(I Dewa Batu Pariwasa, BA)

Penata

NIP. 600004825

MENGETAHUI DAN TELAH DICATARKAN

PADA TANGGAL : 21 JANUARI 1994

H O M O R : 3 TAHUN 1994

BUPATI KEPALA DAERAH TINGKAT II GIANYAR



[Handwritten signature]
WJOKORDA ODE BUDI SURYAWAN, SH

PRAWARTAKA PANYURATAH AWIG - AWIG

DESA ADAT TERJNA

DESA BLAHBATUH

Pamituttur/Pawirasa	:	1. Kepala Desa Blahbatuh 2. I Gusti Ngurah Oka, SH 3. I Gusti Ngurah Wijaya
Kelihan	:	I Wayan Pica (Bendesa Adat)
Pangliman	:	I Nyoman Meregog (Kelihan Banjar Teruna)
Panyarikan	:	1. I Ketut Kartu 2. I Wayan Rica
Patengen	:	I Ketut Weda
Panyangga	:	1. I Made Mandi 2. I Made Teguh

Pasayahan - pasayahan :

I. Pasayahan Sukerta Tata Agama :

Kelihan	:	I Gusti Ketut Sumantra
Angga	:	1. I Gusti Ngurah Anom 2. I Made Lawa 3. I Made Santika 4. I Made Jonoyasa 5. I Nyoman Komang

II. Pasayahan Sukerta Tata Pakra-nan :

Kelihan	:	I Wayan Selamet
Angga	:	1. I Gusti Ngurah Mahendra 2. Wayan Muka 3. Wayan Korta 4. I Ketut Kota 5. I Wayan Karep

III. Pasayahan Sukerta Tata Pawongan :

Kelihan	:	Drs. I Nyoman Gunawan
---------	---	-----------------------

Angga : 1. I Gusti Ngurah Agung, SH
 2. I Ketut Adnyana
 3. I Ketut Peleng
 4. I Wayan Netra
 5. I Wayan Winarta

IV. Pasayahan Wicara lan Pamidanda :

Kelihan : I Gusti Ngurah Made Sudibia, SH

Angga : 1. I Wayan Sadia
 2. I Wayan Cedet
 3. I Gusti Ngurah Bagus
 4. I Nyoman Dumun
 5. I Ketut Weta

Kamanggehang : Ring Banjar Teruna

Duk rahina : Soma Keliwon

Wara : Kuningan

Sasih : Kasa

Isaka Warsa : 1914

Tanggal Masehi : 27 Juli 1992

Di Tetapkan di Gianyar

TANGGAL 21 JANUARI 1994

NO 3 TAHUN 1994